

Na osnovu člana 13. stav 2. alineja peta Zakona o principima lokalne samouprave u Federaciji Bosne i Hercegovine („Sl. novine Federacije Bosne i Hercegovine“, broj: 49/06 i 51/09) i člana 21. tačka 7. i 103. stav 2. Statuta Grada Zenica („Službene novine Grada Zenica“, br. 5/15), a u vezi sa članom 3. tačka c) Pravilnika o postupku javnog konkursa za rapolaganje nekretninama u vlasništvu Federacije Bosne i Hercegovine, kantona, općina i gradova („Službene novine FBiH“, br. 17/14), te Odluke Gradskog vijeća Zenica br. 01-45-23920/25, donesene na 13. sjednici održanoj 24.11.2025. godine, objavljuje se

J A V N I P O Z I V
za izbor upravitelja
deponije industrijskog otpada „Rača“ koji je u vlasništvu Grada Zenica
u cilju stabilizacije, sanacije i trajne rehabilitacije
dijela deponije na lokalitetu „Rača“, Tetovo, u gradu Zenica

1.

Predmet javnog poziva je izbor upravitelja dijelom deponije industrijskog otpada „Rača“ koji je u vlasništvu Grada Zenica, u cilju stabilizacije, rehabilitacije i sanacije deponije industrijskog otpada „Rača“ na lokalitetu Tetovo, u gradu Zenica.

Najuspješniji ponuđač koji bude izabran na javnom pozivu za upravljanje dijelom deponije koji je u vlasništvu Grada Zenica, će biti obavezan da u razumnom roku (najviše 15 godina od potpisa ugovora) upravlja deponijom industrijskog otpada, da provede mjere stabilizacije, sanacije i trajne rehabilitacije dijela deponije u skladu sa tehničkom dokumentacijom koju je obavezan pripremiti i primijeniti, a koja mora biti pripremljena na osnovu Plana prilagođavanja i rehabilitacije sa korektivnim mjerama, te da površinu deponije industrijskog otpada koja mu bude predana na upravljanje, nakon isteka ugovornog roka, vrati u potpunosti saniranu lokalnoj zajednici.

2.

Trajanje ugovora o upravljanju dijelom deponije industrijskog otpada „Rača“ određuje se na period od najviše 15 godina od potpisa ugovora o upravljanju dijelom deponije koji je u vlasništvu Grada Zenica.

Najuspješniji ponuđač je obavezan nakon isteka ugovora o upravljanju istu predati potpuno saniranu i trajno rehabilitiranu u posjed Gradu Zenica, bez prava na bilo kakvu naknadu i bez bilo kakvih tereta.

3.

Kriterij za izbor najpovoljnijeg ponuđača je ekonomski najpovoljnija ponuda, prema sljedećim kriterijima:

a. Najviši ponuđeni iznos jednokratnog doprinosa lokalnoj zajednici koji će biti uplaćen u budžet Grada nakon potpisa ugovora o upravljanju dijelom deponije industrijskog otpada „Rača“, (najniži iznos jednokratnog doprinosa lokalnoj zajednici je 200.000,00 KM),

- maksimalno 50 bodova,

b. Najviši ponuđeni iznos godišnjeg doprinosa lokalnoj zajednici koji se plaća jednom godišnje u budžet Grada počev od prve godine nakon potpisa ugovora o upravljanju dijelom deponije industrijskog otpada „Rača“, pa do kraja ugovornog aranžmana, (najniži iznos godišnjeg doprinosa lokalnoj zajednici je 100.000,00 KM),

- maksimalno 50 bodova.

4.

Izabrani upravitelj dijelom deponije koja je u vlasništvu Grada je slobodan da dio lokaliteta koji je trajno saniran i rehabilitiran, u skladu sa zakonskom regulativom i propisanim procedurama privede namjeni na način da na saniranom dijelu deponije može izgraditi fotonaponsku elektranu ili sportske terene koje će koristiti za vlastite potrebe i kojima će upravljati do isteka ugovora.

5.

Sva prava i obaveze Grada Zenica i najuspješnijeg ponuđača bliže su uređena i definisana u Nacrtu ugovora o upravljanju dijelom deponije industrijskog otpada „Rača“, koji čini sastavni dio dokumentacije za javni poziv.

6.

Svi učesnici javnog poziva su obavezni uplatiti kauciju/jamstvo za ozbiljnost ponude u iznosu od 50.000,00 KM (pedesethiljada KM).

7.

Bezuslovna neopoziva bankovna garancija za dobro i blagovremeno izvršenje preuzetih ugovornih obaveza utvrđuje se u iznosu od 2.500.000,00 KM (dvamilionapetstohiljada KM), s rokom važenja od 60 mjeseci nakon potpisa ugovora o upravljanju dijelom deponije industrijskog otpada „Rača“.

8.

Svi zainteresovani učesnici mogu preuzeti dokumentaciju za javni poziv, bez naknade, dostavljanjem zahtjeva za preuzimanje dokumentacije za javni konkurs, na adresu Trg BiH 6, N/R Jasenke Hadžić, kontakt osobe ili putem e-maila jasenka.hadzic@zenica.ba, sa naznakom: Zahtjev za preuzimanje dokumentacije za javni poziv za izbor upravitelja dijelom deponije industrijskog otpada „Rača“ koji je u vlasništvu Grada Zenica, u cilju stabilizacije, sanacije i rehabilitacije dijela deponije na lokalitetu „Rača“, Tetovo, u gradu Zenica.

U zahtjevu za preuzimanje dokumentacije za javni poziv neophodno je navesti naziv učesnika javnog poziva/privrednog subjekta/konzorcija, adresu, kontakt osobu, kontakt telefon, e-mail, te na koji način zainteresovani učesnici žele da im dokumentacija za javni poziv bude dostavljena (poštom, ličnim preuzimanjem ili putem elektronske pošte).

9.

Ponude za izbor upravitelja deponije industrijskog otpada „Rača“ koji je u vlasništvu Grada Zenica u cilju stabilizacije, sanacije i trajne rehabilitacije se dostavljaju preporučenom poštom ili se neposredno predaju na Protokol Grada u roku od 30 dana od dana objave javnog poziva, odnosno **najkasnije do 19. januara 2026. godine do 12.00 sati.**

Zenica, 18.12.2025. godine